

اوروپا مقاملاري ايرانين نفتين تحريم ائتمك مسأله سينده بيرلشه بيلمه ديلر

اوروپا ايتحاديه سي نين خاريجي ايشلر وزيرلري ايرانين نفتين تحريم ائتمك مسأله سينده بيرلشه بيلمه ديلر.

فارسين گوزارشينه گؤره، اوروپا ايتحاديه سي نين خاريجي ايشلر وزيرلري ايرانين نفتين تحريم ائتمك مسأله سينده بيرلشه بيلمه ديلر اما 180 ايرانلي شيركتي و شخصي اؤز تحريم ليسترينه يئرلشديردیلر كي بو ايشلرين تايي قايقجادان گؤرولموشدو و فايداسيز اولدوغو ثابت اولوب.

انگليسین خاريجي ايشلر وزيری، ویلیام هیگ، بوندان قايق «ايرانين علئهينه تحريملرين چوخالماسيني ايسته ميشدي» و تأکید ائله ميشدي اونون بو ايستگي سه شنبه گونو ايرانلي موعتريضلرين انگليستانين تهرانداكي سفارتينه حمله ائله ماغا ايرتياطي يوخدور.

بعضي اؤلكه لر بو ايستيدلالينان كي بو ايشله ايرانين هسته اي اسلحه آلماغا پولو اولماياجاق، بو تحريملر اينن موافيق اولموشدولارو. فرانسه نين خارجه وزيري ، «آلن ژويه»، دئدي كي يونان ايران نفتينه باغلي اولدوغونا گؤره، بئله ايقدامينان موخاليفدير.

ویلیام هاگ چهارشنبه گونو عوام مجلیسین بیانیه سینده دئمیشدی: «بیر اؤلكه اؤز تورپاغيندا بيزي ايشله ماغا قويماسا، اينتظار اولا بيلمز كي بوردا و انگليستاندا سيفارتي اولسون . . . بو بير ايقدامدير كي بيزيم ايرانلا اولان رابيطه ميزي ديپلوماتيك رابيطه لر كسيلمه دن لاب آز سطحه يئنديرير.»

ویلیام هیگ هابئله سه شنبه گونو دانیشجولارين انگلیس سيفارتينه حمله ائتمه سي عكس العملينده، ايرانين لندنده كي سيفارتي نين باغلانماسي و كارمندلري نين خارج اولماسينا اولتيماتوم وئردی. او هابئله عوام مجلیسینده انگلیسین تهراندا كي سفارتین باغلانماسي و ايشليه نلري نين ايراندان چيخماسيني ايسته ميشدي.